



Alver kommune
v/kommunedirektør

Søknad om samtykke til søknad om å få lån i Kommunalbanken utsett to terminar.

Aufera tok opp lån i Kommunalbanken i 2019 til kjøp av seksjon i eit bygg. I den samanheng garanterte eigarkommunane våre, Austrheim, Fedje og dåverande Radøy, no Alver kommune for lånet. Då Radøy var vertskommune, og største eigar, vart det gjort avtalar med Austrheim og Fedje om sin del av garantien, medan Radøy stod for den formelle delen. (Saksnr. KS 026/2019)

Aufera har og eit anna lån med same garanti, på det gamle Auferahuset.

Låna det gjeld er fylgjande:

xxxxx513 termin 15.11.22. på kroner 377.945

xxxxx639 termin 05.01.23. på kroner 75.335

Økonomien i Aufera har vore vanskeleg dei siste åra. Me gjekk med underskot i fjor, og enno usikkert korleis det vert for 2022. Dette trass i at me sjølv meiner me driv svært nøysamt og nøkternt. M.a. gjorde me mykje sjølv med ombygginga av dei nye lokala, det vart ikkje kjøpt inn nye møblar og utstyr, men me fekk tak i gamalt som me sjølv pussa opp.

Årsaka til den vanskelege økonomiske situasjonen er nok som hjå mange andre for tida. Høge straumprisar, drivstoffkostnader, råvareprisane har auka, renteauke og at me enno ikkje har fått seld det gamle Auferahuset.

Når me trass dette ser lyst på framtida, så er det fleire årsaker til det. Me opplever at Aufera har godt omdømme både lokalt og rundt omkring. Det er relativt god omsetnad på produkta våre. Det har vore fin auke i avtalar om sal av tenester som leige/vask av tøy. Her opplever me Alver kommune som viktig, og at dei ynskjer å bruka oss.

Me har ventelister på folk som ynskjer plass, og sist men ikkje minst – me har gjort avtale med ein av eigarkommunane våre om sal av kommunale plassar. Med kommunal plass meiner me plassar til folk som for tida ikkje fyller dei krava som vert stilt til ein VTA-plass, eller som me ikkje har ledige plass til. Me er kjend med at Alver kommune har slike avtalar med både Gløde og KIM, og skulle også gjerne hatt slike avtalar med Alver kommune.

Kommunalbanken krev samtykke frå garantist, og me håpar kommunen kan gje eit samtykke snarast, då første termin er 15.11.22.

09.11.2022

Kari Smith
Dagleg leiar